



**KOMMUNALBESTYRELSIP  
ILEQQUUSUMIK ATAATSIMIINNERA  
PINGASUNNGORNEQ ULLOQ 23. JUNI 2021 NAL. 09:00**

**Peqataasut:**

Palle Jerimiassen (AT), borgmester  
Jens Ole Nathanielsen (IA), borgmesterip tullia siulleq  
Sakio Fleischer (S), borgmesterip tullia aappaa  
Aqqalu Clasen Jerimiassen (A)  
Knud Kleemann (A)  
Minik Høegh-Dam (AT)  
Lena Ravn Davidsen (D)  
Bendt B. Kristiansen (IA)  
Niels Davidsen (IA)  
Anthon Frederiksen (N)  
Jens Napâtok' (N)  
Ane Qujaukitsoq (S)  
Elisabeth Nielsen (S)  
Jakob Petersen (S)  
Jens Kristian Therkelsen (S)  
Jørgen Kruse (S)  
Magrethe Christensen (S)

**Pisortaaq:** Nick Nielsen  
**Imaqarniliortoq:** Pisortaaq  
**Immikkut peqataasut:** Pisortaqatigiit  
**Nutserisut:**  
**Ingerlannera:** Telefonikkut

KOM	QULEQUTAQ	BILAG
ORI	Ilisimatitsissutit	~
21-028	Naalackersuisunik naapeqateqarnissaq	001
21-029	Aningaasanik akiliutissanik attartornissaq, kassekredit	002
21-030	Meeraaqqerivik Mikisumi meeqqanik ikilisaaneq	003
21-031	Qaanaami Ajaajaqarfimmi meeqqanik ikilisaaneq	004
21-032	Aningaasanik nuutsitsineq, Avanersuup atuarfiani ruujorit iluarsisassat	005
21-033	CLIO, Digitali atorlungu atuartitsinermi najoqqutassaq	006
21-034	Isumasioqatigiisitsinissamik pilersaarutit	007
21-035	Aappilattumi eqqaavissuassamut nutaamut annertunerusumik aningaasaliissuteqarneq	008
21-036	Rådhusip piusup iluarsaannera aamma allineqarnera	009
21-037	Ukioq 2020-mi ingerlatsinermut killiffiugallartoq	010
21-038	Avannaa Development, Inissianik tunniussineq	011
21-039	Najukkani ataatsimiititaliat pilersinneqarnissaat	012

**Aalajangiussaq:**



Ilisimatitsissut:**ATV-it pillungit paasissutissat**

Ilulissat eqqaanni: Saqqami, Atulereernikuupput.

Uummannap eqqaani: Uummannap eqqaaniittut ATV-mut allagartaqalernissamut ilinniartinneqarput, taamaattoarli Allagartartaartitsisartoq Politeeqarfimmiik utaqqineqarnikuulluni.

Qaarsut: Atulereernikuupput

Saattuni: Uummannamiippoq allagartartaarnissaminut misilitsikkiartorluni.

Ikerasak: Pedel-i sulinngiffeqareerluni uterpat Uummannamukartinneqassaaq ATV-mut ingerlatsisinnanermut ilinniarnini nangikkiartorlugu.

Upernaviup eqqaani: Kullorsuarmi: Atulereernikuupput

Aappilattumi, Tasiusami Innaarsunnilu: Ingerlatsisussanik sulisussaaleqipput.

**Piujuaannartitsinissamut immikkoortotaqarfimmiik ilisimatitsineq**

Piujuaannartitsinissamik Ineriartortitsinissaq pillugu Aningaasaliissutit perngaammik qinnuteqarfigineqarsinnaanikuupput 1. juni 2021 killilikkamik. Qinnuteqaatit 17-it takkussimapput. Allaffissornikkut nalilersueqatigiittussatut ataatsimiittitaliaq qinnuteqaatinik nalilersuisimavoq aalajangiussimallugulu suliniutit arfineq pingasut tapiiffiginialugit:

- Piujuaannartitsinissamik aallaaveqartumik eqqakkanik sineriak atuarlugu katersuineq plastikkikunillu atoqqiineq, Nikolaj Sørensen, Upernavik kr. 285.000,-
- Koororsuarmi innasiorluni aqutissiaq, Ilulissani Spejderit kr.13.556,-
- Kangerluarsummut spejderit aallaarsimaarnerat, Ilulissani Spejderit kr. 38.051,-
- Containerinik qallersuineq, pequtinik atornikunik tuniniaavissatut, Kalaallit Rødekorsiat kr. 80.300,-
- Atisanut containeri, Kalaallit Rødekorsiat kr. 5.000,-
- Avannaani nunaqarfinnut atisanik tunniussuineq, Kalaallit Rødekors-iat, kr. 150.000,-
- Pinngortitap paarsisuarai 2021 - Kangia Kids & UNESCO 'p illersuisuaraat, Social Pædagogisk Seminarium kr. 10.500,-

Aningaasaliissutit katillugit tunniunneqarput kr. 614.795,- Aningaasaliissutit suli kr. 885.205-nik sinneqarput, suliniutaanarporlu nutaamik qinnuteqaasiortitsinissaq 2021-p ukiaani.

**Aningaasaqarnermut Ataatsimiititaliap ivertinnera**

Ataatsimiinermi kingulermi apeqquingineqarpoq Aningaasaqarnermut Ataatsimiititaliap ivertinneqarnera suleriutsi naapertorlungit ingerlasimanersoq, suliaq kommuni inatsisilerituua suleqatingalungu ingerlanikummat nalunaarusiaa Nunamut Namminermut Naalackersuisoqarfimmut ingerlanneqarpoq, taakuummata kommunit nalornitillungit siunnersuisussat. Naalackersuisoqarfimmiit nalunaartoqarpoq suleriutsit naapertorlungit ingerlatsisoqartoq.

Bilag ORI-01 Naalackersuisoqarfimmiit akissut, inatsisilerituullu nassuiaataa

**Siulersuisunik ilaasortassanik inassuteqarneq**

Uummannami Timersortarfik

Timersortarfimmut siulersuisunik marlunnik kommune inassuteqartarpoq kommunalbestyrelse nutaaq ivertinneqareeraangat. Allattoqarfiup suliaq aallartippaa ataatsimiinnermilu tullermi ilaasortassatut inassutingineqartut saqqummiunneqassapput, taakkualu akuerineqarunik siulersuisunut ilaasortatut sulinertik aallartissinnaalissuaat.

**Nangitaq... Siulersuisunik ilaasortassanik inassuteqarneq**

Thulefonden

Aningaasateqarfimmut atatillungu suliaq ingerlavoq, kommunalbestyrelsip akuerinikuuvai malittarisassat allangortinneqarnissaat tamatumalu kingorna allanguutissatut siunnersuutit Danmarkimi aningaasateqarfimmut nakkutilliisut Civilstyrelsip ataani allattoqarfimmut nassiunneqarput. Suliaq Naalakkersuisunut ingerlateqqinneqassooq Civilstyrelsimi akissuteqartoqareerpat. Maleruungassani taakkartorneqarpoq siulersuisunut ilaasortat kommunalbestyrelsimit akuerineqartassasut, toqqaannginnermi maleruungassat akuerineqarnissaat utaqqineqarpoq suliarlu kommunalbestyrelsimut qaqinneqarumaarpoq. Massakkumut siulersuisut atuukkallassapput allanguinerlu ingerlanneqassooq malitassat naapertorlungit.

**Nunaqarfinni Aqutsisut**

Avannaata kommuniani nunaqarfinni aqutsisunut qinersisoqarpoq 6. april 2021.

Qinersereernerup kingorna kisitseqqissaarnissaq utaqqineqarpoq, qinersiviit illoqarfimmut angunniarnerat unamminartoqallattaammat silaannakkut angallanneq eqqarsaatigalugu, taamaasilluni nunaqarfinni qinigaasimasut akuerineqarnissaat kingornalu inissitsiternissaat eqqorneqartarsimalluni.

Maanna amerlanerpaat nunaqarfik Savissivik kisiat minillugu inissitsitersimalerput, naatsorsuutigineqarporlu akunnerup tulliata ingerlanerani kingulleq piariissasoq.

Ilanngussami takuneqarsinnaavoq nunaqarfinni qinigaasimasut allattorsimaffiat.

Savissivimmi qinigaasoq ataaseq ajoraluartumik tassanngaannartumik toqukkut qimaguppoq, sinniisussarlu siulleq nalunaarfigineqarpoq nunaqarfinni aqutsisunut Savissivimmi ilaasortanngortoq.

Bilag ORI-02 Avannaata Kommuniani nunaqarfinni aqutsisut 2021-2025

**Aalajangiineq:**

<b>Sag nr.</b>	<b>Sammissaq</b>	<b>Bilag nr.</b>	<b>001</b>
<b>KOM 21-028</b>	<b>Naalakkersuisunik naapeqateqarnissaq</b>	<b>Journal nr.</b>	

Uteqqiineq:

Aningaasaqarnermut Ataatsimiititaliaq siuliani ataatsimiikkami aliangiivoq ataatsimiititaliap qulequtat susassaqaqarfinni ataatsiakkaani pingaaruteqartut ingerlalertornissaat anguniarlungu Naalakkersuisunik ataatsimeeqatinginnerit piffissaq aggersumi ingerlanneqassasut.

Uani suliami kommunalbestyrelsi Aningaasaqarnermut Ataatsimiititaliap ataatsimeeqateqarnissaanik ilisimatinneqarpoq.

Suliap saqqummiunnera:

Aningaasaqarnermut Ataatsimiititaliap pingasunnogornermi ulloq 9. juni Aningaasaqarnermut Naalakkersuisoq, Asii Chemnitz Narup (IA) ataatsimeeqatingeqqammerpaa susassaqaqarfiup iluani qulequttat arfinillit paaseqatingiittumik eqqartorneqarput.

Ataatsimiinnermi ataatsimiititaliap Naalakkersuisunut qanimut suleqateqarnissaa kissaatingineqarpoq, ataatsimiinnermi siunniunneqarportaaq suliata assingiinnigittut uninngasut ingerlalertornissaat anguniarlungu ataatsimiititaliaq Naalakkersuisunik assingiinnigittunik piffissaq aggersoq ataatsimeeqateqassasoq.

*Iluarsiinissamut siunnersuut – sammisanut tunngatillugu nalilersuineq*

Naalakkersuisut assingiinnigittut ataatsimiititaliamit ukua ataatsimeeqatinginissaat kissaatingineqarpoq.

**Ineqarnermut, Attaveqatigiinnermut, Aatsitassanut Naligiisitaanermullu Naalakkersuisoq**

- A) Naalakkersuisoq, Naaja H. Nathanielsen (IA) Ilulissani mittarfimmut aqquserngup qanoq ingerlaqqinnissaanut paaseqatinginissaa ataatsimiititaliamit pingaartinneqarpoq. Ullumikkut aqqusineq silillisillungu suliarineqassua, taannalu siunissami mittarfimmut aqquutaalluni, imaluunnit Narsarsuakkut aallartittumik aqqusinermik pilersitsisoqassanersoq ataatsimiititaliap oqallisingerusuppa.
- B) Napparsimaviup aqquutaani inissiat kommunip kissaatinginikuusaat tunniunneqassasut, tassunga suliataq attuumasoq sumut killinnersoq ataatsimiititaliaq sukumiisumik nassuiaasoqarnissaanik kissaateqarpoq, aamma aningaasalersuinerit tunniussinermi eqqartorneqarusupput.

**Nunalerinnermut, Imminut Pilersornermut, Nukissiutinut Avatangiisinullu Naalakkersuisoq**

- A) Naalakkersuisoq, Kalistat Lund (IA) Ilulissani ukiorpassuarni ineriartornissamut aporfusoq erngup killeqarfiaata nuunneqarnissaa pillungu ataatsimiititaliamit oqalliseqatingiumaneqarpoq, taamatuttaaq Uummannami ajornartorsiuteqartoqarpoq. Kommunimi imaluunnit ataatsimiititaliamit paasiumaneqarpoq erngup killeqarfia nuunneqassappat kiap akisussaaffingineraa kiisalu suliataq ingerlalissappat aningaasalersussaneraa.
- B) Eqqaaveqarnermut apeqqut ataatsimiititaliap kissaatingaa oqallisingineqassasoq. Kommune siumut isigisumik eqqaaveqarneq pillungu pilersaaruteqarpoq, kisianni avannaani avatangiisinut ajornartorsiutit annertupput, uanilu aaqqiisoqassappat kommune kisimi aaqqeeriarsinnaanngilaq. Taamaattumik paaseqatingiilluni aaqqiissutissamik nassaartorqarnissaa ataatsimiititaliamit oqallisingineqassasoq kissaatingineqarpoq.

**Meeqqanut, Inuusuttunut, Ilaqutariinnut Inatsisillu Atuutsinneqarnerannut Naalakkersuisoq**

A) Naalakkersuisoq, Eqaluk Høegh (IA) meeqqat inuusuttullu ajornartorsiuteqartut imaluunnit angajoqqaajusut ajornartorsiornerasingut meeqqat inuusuttullu eqqorneqartartut pillungit kommune naalakkersuisoqarfimmiit sullissinerup allaffissornerullu equngasumik kommunimi ingerlanerani tikkuarneqaaqqammerpoq. Ataatsimiititaliap kissaatingaa Naalakkersuisoq peqatingalungu qulequtaq pillungu oqallinnissaq, kommunimi aammami nunatsinni ajornartorsiutaavoq ilinniarsimasunik sulisoqarnissaq, tamannalu annertuumik Ilulissat avannaani ajornartorsiutaavoq. Qanoq kommune ingerlariaqqissava Naalakkersuisoqarfik qanimut suleqatingalungu kiisalu paaseqatingalungu. Ataatsimiititaliap pingaartippaa ajornartorsiutit qaangerneqassappata Naalakkersuisoqarfik suleqataassasoq pisortaqarfiillu paaseqatingiittumik suleqatingiinnissaat.

***Ingerlariaqqinnissaq***

Ineqarnermut, Attaveqatigiinnermut, Aatsitassanut Naligiisitaanermullu Naalakkersuisoq, Naaja H. Nathanielsen (IA) Ilulissanut tikisooq 16. juni uanilu naatsorsuutingineqarpoq økonomiudvalgip ataatsimeeqatinginissaa, kisianni corona peqquutingalungu ataatsimiinnissaq nuunneqassooq. Naalakkersuisut sinneri taakkartorneqartut attavingineqassapput ataatsimiinnissallu pilersaarusiorneqarlutik.

**Aningaasaqarnermi kingunerisinnaasat:**

Ataatsimiinnerit missingersuutit iluanni ingerlanneqassapput, ataatsimiinnerilli Nuummi ingerlanneqassangunik angalanermut aningaasartuuteqassooq.

**Inatsisitigut tunngavigisat aamma toqqammavissiisutut allagaatit:**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

**Suliamik isumaginnineq:**

Aningaasaqarnermut ataatsimiititaliaq  
Kommunalbestyrelsi

**Inassuteqaat:**

Allattoqarfiup kommunalbestyrelsimut inassutingaa

Ilisimatitsissut tusaatissatut tinguneqassasoq

**Ilangussat:**

Soqangilaq.

**Aalajangiineq:**

<b>Suliaq nr.</b>	<b>Pineqartog</b>	<b>Ilanng. nr.</b>	<b>002</b>
<b>KOM 21-029</b>	<b>Aningaasanik akiliutissanik attartornissaq, kassekredit</b>	<b>Journal nr.</b>	

Uteqqiineq:

Ukioq kingulleq missingersuutit aaliangernerisa kinguneraat ukiup ingerlanerani kommune karsiani aningaasanik tingoriaannarnik qaammatip naanerani aningaasartuutit pisussaaffiit ingerlannissaanut aningaasanik attartornissaq (kassekredit) pisariaqassasoq. Taamaattumik kommunalbestyrelsiusimasoq aningaasaqarnermut ingerlatsivimmuut suliakkiivoq periarfissanik ujartuisoqassasoq. Uani suliami Kommunalbestyrelsinngortup bankiniit neqeroorutit isummerfingisussaavai qulakkeersumallungu karsimi aningaasanik tingoriaannaateqarnissaq.

Suliap saqqummiunnera:

Kommunalbestyrelsiusimasup ukioq 2021-mut missingersuutininik december 2020-mi suliaqarnermini allattoqarfik pisinnaatippaa aningaaserivinnut aningaasanik tigoriaannarnik aningaasartuutigiumaagassanut akiliutaasussanik pisariaqartitsilernerami attartornissaamik suliaqassasoq.

Nunami Namminermi pisortaqarfik nalilersuereerluni nalunaarpoq, Kommunalbestyrelsiusimasup aaliangiussaa Kommunalbestyrelsip nutaatut ikkunneqartup ilalerpagu pitsaanerussasoq.

Allattoqarfik aningaasanik tigoriaannarnik atuinissamut missingersuusiorpoq, tassanilu takuneqarsinnaalluni pingaartumik ukiariartornerani tigoriaannaatini annikilleriangaatsiassasut qaammatillu ninnerani akileraarutit akilerneqartartut aammalu bloktilskud-t akilerneqartarneranni pisariaqartitsisoqassasoq kr. 20.0 mio. minnerpaamik. Pingaartumik siusinaartumik utoqqalinersiaqartitsinermik tamakkiisumik kommunip tigoreernerata kingorna, pisariaqartitsineq pisussaavoq. Allattoqarfiup aningaaseriviit Grønlandsbanken aammalu BankNordik naapeqatigivai attartornissamut neqeroorusiortillugit, imatullu neqerooruteqarput.

**Grønlandbanken,**

Ukiut tallimanut atuuttumik ukiumut erniaqarluni 0.50%-mik, apeqqutaalluni qanoq annertutigisumik atorneqarsimansoq, aammalu provisioni 0.50% kvartalikkaartumik.

**BankNordik,**

Ukiunut tallimanut atuuttumik, ukiumut erniaqarluni 0.95%-mik, tassanilu saniatigut 0.20% provisionimut apeqqutaalluni atuneq.

*Iluarsiiinissamut siunnersuut – sammisanut tunngatillugu nalilersuineq*

Allattoqarfiup nalilersuereernerata kingorna Aningaasaqarnermut Ataatsimiititaliaq siunnersuuteqassasoq Kommunalbestyrelsimut piviusunngortinneqarnissaanik taamaasilluni qulakkiikkamik aningaasartuutitigut akiliisinnaassuseq qularnaassallugu.

*Ingerlariaqqinnissaq*

Attartornissaq piviusunngortinneqarsinnaavoq, taamaattorli aamma aningaasartuutigiumaagassanut missingersuutini sipaarniutissanik suliaqartoqarsinnaavoq, minnerpaamillu kr. 20.0 mio-t missaanik allattoqarfik siunnersuuteqassalluni, pingaartumillu pisussaaffinnik sullissinermullu eqquinngitsumik siunertaqarpoq.

Aningaasaqarnermi kingunerisinnaasat:

Missingersuutit Kommunalbestyrelsip ukioq mannamut aammalu ukiunut tulliuttunut missingiutini aaliangiussaani, aningaasartuutikillisaanngikkuni ukiut tulliuttut ilungersunartumut pisinnaanera naatsorsuutigineqarsinnaavoq, aammalu sanaartugassanut missingersuusiornissamut inissaarutitsiartussalluni. taamaattumik ingerlatsinikkut aningaasartuutikillisaanissaq piviusunngortinneqartariaqarpoq, pingaartumillu nuna tamakkerlugu ataatsimoorusamik bloktilskud-ni kommunini aningaasaliissutit milliartortinneqaannassappata.

Aningaasanik tigorianaannarnik attartornissamut erniat provisionillu ukiumut aningaasartuutigineqartartussatut missingiunneqarput missaani kr. 150.000,00 - 300.000,00

Inatsisitingut sinaakkutatingullu toqqammaviit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq  
Kommunalbestyrelse

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutigaa,  
Attartornissaq piviusunngortinneqassasoq  
Aningaaseriviit marluusut neqeroorutaa tunngavigalugu Grønlandsbanken toqqarneqassasoq  
Ingerlatsinikkut aningaasartuutikillisaanissamik siunnersuuteqartoqassasoq*

Aaliangerneq:  
Inassutigineqartut akuerineqarput.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilannussat:

Bilag 002-01: Neqeroorut Grønlandsbank-miik  
Bilag 002-02: Neqeroorut BankNordik

Aalajangiineq:

<b>Sag nr.</b>	<b>Pineqartog</b>	<b>Bilag. nr.</b>	<b>003</b>
<b>KOM 21-030</b>	<b>Meeraaqqerivik Mikisumi meeqqanik ikilisaaneq</b>	<b>Journal nr.</b>	

Uteqqiineq:

Inerisaanermut Ataatsimiititaliaq meeqqat Mikisumi meeqqerivimmiittut ikilisarneqassasut silaannalunnera peqqutingalungu suliamik ingerlatsivoq qanorlu pittanngorsaasoqarsinnaanersoq inassuteqarluni. Uani kommunalbestyrelsip ataatsimiititaliat aaliangingaat ilalerniarnerlungu oqallisingissavaa.

Suliap saqqummiunnera:

Meeraaqqerivik Mikisoq Ilulissaniittoq 1976-miilli piusimavoq, blokket qaortuni ineeqqaniilluni. Meeqqat amerlassusaat 36-noorpoq 0-niik 2-nut ukiulinnut, taakku ineeqqanut 12-likkaartunik agguagaapput katillugit 12-nik sulisoqarlutik ineeqqami ataatsimi 3-nik init sulisoqarput. Mikisumi ineeqqani CO2 annertusisimavoq "R & T Rengøring" -miik uuttorneqarsimavoq, naak ineeqqani tamani silaannarissaatit ingerlajuaraluartut. Ineeqqani inuit amerlammata silaannarlu amigarluni. Maanna ilinnartunik tigusissaarput, inersimasut ineeqqani ikinnerpaatinniarlugit.

*Iluarsiiinissamut siunnersuut – sammisamut tunngatillugu nalilersuineq*

Ineeqqat pitsaanerusemik silaannaqartikkumallugit, inunnullu peqqinnarnerusemik kinguneqassappat minnerunngittumillu suliffigissaaneq eqqarsaatingalugit meeqqat 36-iniit 30-inut ikilisinneqarnissaat pisariaqarpoq. Utaqqisunut allattorsimaffik annikittumik qaffariaateqassooq.

*Ingerlariaqqinnissaq*

Suliaq ingerlanneqassooq aalajangerneq aallaavingalugu, meeqqat ikilisinneqassappata taava anisut siulliit arfinillit taarserneqassanngillat.

Kingunerisinnaasat:

Mikisumi utaqqiisaagallartumik avatangiisitigut ikiorsiigallarneq.

Aningaasaqarnermi kingunerisinnaasat:

Angajoqqaat akiliutaasigut isertitakinnerulaalerneq.

Inatsisitigut tunngavigisat allagaatillu toqqammavissiisut:

- Meeqqanut suli atualinngitsunut perorsaaniikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. decembari 2012-meersoq

Suliamik isumaginnineq:

Inerisaanermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

Inerisaanermut Ataatsimiititaliap aaliangernera:

*Allattoqarfiup Inerisaanermut Ataatsimiititaliamut inassutigaa:  
Meeraaqqerivik Mikisumi meeqqat 36-niik 30-nut ikilisaanissaq akuerissangaa*

Aaliangerneq:

Inassuteqaat akuerineqarpoq.



Aningaasaqarnermut Ataatsimiititaliami aaliangerneq:

*Inerisaanermut Ataatsimiititaliap Aningaasaqarnermut Ataatsimiititaliamut inassutigaa:  
Inerisaanermut Ataatsimiititaliap aaliangernera ilalernerqassasoq*

Aaliangerneq  
Inassutigineqartoq akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalernerqassasoq

Ilangussat:

Bilag 003-01: Nakkutilliisoqarfimmiit nalunaarusiaq  
Bilag 003-02: Mikisup silaannaa

**Aalajangiineq:**



<b>Sag nr.</b>	<b>Pineqartog</b>	<b>Bilag. nr.</b>	<b>004</b>
<b>KOM 21-031</b>	<b>Qaanaami Ajaajaqarfimmi meeqqanik ikilisaaneq</b>	<b>Journal nr.</b>	

Uteqqiineq:

Qaanaami meeqqerivimmi Ajaajaqarfimmi meeqqat paarineqartut ikilisinneqarnissaat Inerisaanermut Ataatsimiititaliamit sulisoqarnermi amingaateqarneq peqqutingalungu inassutaavoq.

Uani kommunalbestyrelsip isummerfingissavaa ataatsimiititaliat aaliangernerat mmeeqqerivimmi meeqqat qulinik ilanngarneqarnissaat ilalerniarnerlungu.

Suliap saqqummiunnera:

Qaanaami paaqqinnittarfik Ajaajaqarfik ukioqatigiiaanut aggulungaq meeraateqarsinnaavoq 32-nik, ullumikkut 42-nik meeraateqartog. Juni 2016-imiik ilassutitut akuerineqarsimapput meeqqat 10-t, illoqarfimmi utaqqisuutit amerlammata.

Ajaajaqarfik kissaateqarpoq ini ilaliussaq matuneqarnissasoq, meeqqanut qulinut inigitaasoq ulloq 9. Juni aallarnertigalugu. Meeqqat augustusimi atualertussat 10. juni atualereersunut ornittagaaniilissammata. Pingaarnertut peqqutaavoq sulisunik amingaateqarneq, iggavimmi ikiortimut ataatsimut oqimaattorsioortitsineq meeqqanik 42-nik nerisitsisarnermi, ineeraq sammisassaqaartitsiffissatut aqqitaanngimmat, taanna siusinnerusukkut sinittarfiummat aammali nipiliorfiogimmat.

Maanna Qaanaami meeqqerivimmut utaqqisut sisamaapput meeraaqqerivimmut 16-iullutik.

*Iluarsiinissamut siunnersuut – sammisamut tunngatillugu nalilersuineq*

Ilinniarnermut Ingerlatsivimmiit nalilersuinitanni, pingaartipparput meeqqat isumannaatsumik paaqqutarineqassasut. Tamannalu angussagutsigu taava pisariaqarpoq meeqqat qulinik ikilisinneqarnissaat, sulisut amingartarmata. Ajaajaqarfimmi atorfiit marluk sivisuumik paarlattaasunik inuttaqartinneqarput, taakku kattuffiup NPK-p isumaqatigiissutai malillugit atorunnaarsinneqarsinnaapput.

*Ingerlariaqqinnissaq*

Inassuteqaataasoq akuersissutigineqassappat Ilinniarnermut ingerlatsivik suliamik aallartitsissooq, sulisunullu tunngasortaa Sulisoqarnermut ingerlatsivik HR suleqatigissallungu. Taamaalilluni Ajaajaqarfimmi sulisut amingartarneri pinaveersaartissuarput, sulisullu sulerulukkunnaarlutik sulisalissangaluarput.

Kingunerisinnaasat:

Ajaajaqarfimmi meeraataasinnaasut sulisuusinnaasullu illumi sinaakkutaassianut naleqqutilissapput.

Aningaasaqarnermi kingunerisinnaasat:

Aningaasaliissutit meeqqanut qulinut sulisunullu marlunnut ulloq 9.6.2021-miik sipaarutaassapput.

Inatsisitigut tunngavigisat allagaatillu toqqammavissiiisut:

- Meeqqanut suli atualinngitsunut perorsaaniikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. decembari 2012-meersoq

Suliamik isumaginnineq:

Inerisaanermut ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

**Inerisaanermut Ataatsimiititaliap aaliangernera:**

*Allattoqarfiup Inerisaanermut Ataatsimiititaliamut inassutigaa:*

*Ulloq 9.6.2021 aallarnerfigalugu Qaanaami Ajaajaqarfik meeqqanut 32-nut ikilisaassasoq*

Aaliangerneq:

Inassuteqaat akuerineqarpoq.

**Aningaasaqarnermut Ataatsimiititaliami aaliangerneq:**

*Inerisaanermut Ataatsimiititaliap Aningaasaqarnermut Ataatsimiititaliamut inassutigaa:*

*Inerisaanermut Ataatsimiititaliap aaliangernera ilalernerqassasoq*

Aaliangerneq

Inassutigineqartoq akuerineqarpoq.

**Inassuteqaat:**


Aningaasaqarnermut Ataatsimiititaliap Kommunalbestyrelse-imut inassutingaa

Aningaasaqarnermut Ataatsimiititaliami aaliangerneq ilalernerqassasoq

**Ilannussat:**

Bilag 004-01: Allagaq nr. 2016-028

Bilag 004-02: Allagaq ulloq 19.2.2021

**Aalajangiineq:**

<b>Sag nr.</b>	<b>Pineqartog</b>	<b>Bilag. nr.</b>	<b>005</b>
<b>KOM 21-032</b>	<b>Aningaasanik nuutsitsineq, Avannersuup atuarfiani ruujorit iluarsisassat</b>	<b>Journal nr.</b>	

#### Uteqqiineq:

Avannersuup Atuarfiani ruujorit pisoqalinerisa kinguneranik imeqarniarneq ajornartorsiutaavoq. Taamaattumik iluarsartuussisoqarnissaa siunerataralungu aningaasanik nuutsitsinissaq Inerisaanermut Ataatsimiititaliap oqallisingivaa. Suliaq ingerlaqqippoq, uanilu kommunalbestyrelsip ataatsimiititaliat aaliangenera ilalerniarnerlungu isummerfigissuaa.

#### Suliap saqqummiunera:

Avannersuup Atuarfiani ruujorit iluarsaassassatut inissisimapput. Iluarsaassassaani pequtaallutik imeq milinneqartarpoq, tamannalu atuarfiup imeqartussaananeranut ajoqutaalluni. Ruujorit atuarfiup iluani kusertut amerlapput, ullut tamaasa weekend ilanngullungu atuarfik alakkarneqartarpoq asaasoqartarlunilu kusertoqarsimangaangat. Ruujorit nungullutik asiusut iluarsaassinerlu annertuut pisariaqalersimapput.

#### *Iluarsiinissamut siunnersuut – sammisamut tunngatillugu nalilersuineq*

Iluarsaassinissaq siunerataralungu Qaanaami ruujorilerisoq akinik piniarfigineqarpoq, atuarfiullu ittuanut siulittuutigisaa kr. 1.0 mio. Ilinniarnermut Ingerlatsivimmiit Teknikkimut Ingerlatsivimmut nuunneqarnissaanik qinnuteqaatigineqarpoq. Maannangaaq suliaq aallartittariaqarmat umiarsuarmut kingullermut atortussat angumeqqunneqassammata.

#### *Ingerlariaqqinnissaq*

Qinnuteqaat akuerineqarpat taava aningaasat nuunneqassapput suliarlu Teknikkimut Ingerlatsivimmiit ingerlanneqalissalluni.

#### Kingunerisinnaasat:

Avannersuup atuarfia imeqarnissaa qulakkeerneqassooq, tamannalu ulluinnarni assingiinnittutigit atorfissaqartinneqartarpoq.

#### Aningaasaqarnermi kingunerisinnaasat:

Ilinniarnermut Ingerlatsivimmiit siunnersuutigaarput aningaasat Ilulissani elevhjemmissap pisatarsiniutissai aallerfigineqassasut, ukiup naanerani tamakkerlugit atornissaat ilimanangimmat. Aningaasat missiliuineri annertussuseqarput kr. 1.0 mio.

#### Inatsisitigit tunngavigisat allagaatillu toqqammavissisut:

- Atuarfik pillugu Inatsisartut inatsisaat nr. 15, 3. december 2012-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq

#### Suliamik isumaginnineq:

Inerisaanermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

**Inerisaanermut Ataatsimiititaliap aaliangernera:**

*Allattoqarfiup Inerisaanermut Ataatsimiititaliamut inassutigaa:  
Avanersuup aturfiani ruujorinik iluarsartuussinissamik siunertalimmik, Ilinniarnermik Ingerlatsivimmiit  
Teknikkimut Ingerlatsivimmumt aningaasanik nuussisoqassasoq*

Aaliangerneq:  
Inassuteqaat akuerineqarpoq.

**Aningaasaqarnermut Ataatsimiititaliami aaliangerneq:**

*Inerisaanermut Ataatsimiititaliap Aningaasaqarnermut Ataatsimiititaliamut inassutigaa:  
Inerisaanermut Ataatsimiititaliap aaliangernera ilalerneqassasoq*

Aaliangerneq  
Inassutigineqartoq akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

**Ilanngussat:**

Bilag 005-01: Nuussinermut immersungaq

**Aalajangiineq:**

--

Sag nr.	Pineqartoq	Bilag. nr.	006
KOM 21-033	CLIO, Digitali atorlungu atuartitsinermi najoqqutassaq	Journal nr.	

### Uteqqiineq:

Ullutsinni atuartitsineq sukkasuumik allanngoriartorpoq, periarfissallu amerliartorlutik. CLIO.DK tassaavoq atuartitsissutik digitaliusunik tuniniaasartoq ilitersuisartorlu. CLIO.DK Avannaata Kommunianut neqeroorusiorpoq ilinniartitsisut tamarmik atuisunnornissaannut periarfissillugit. Inerisaanermut Ataatsimiititaliap periarfissat oqallisingsai qulequtarlu isummerfingalungu. Uani suliami kommunalbestyrelsip ataatsimiititaliat aaliangernerat ilalerniarnerlungu isummerfingissavaa.

### Suliap saqqummiunna:

Meeqqat atuarfianni iPad-ip atungaanera annertusiartorpoq. Avannaata Kommuniani atuartut ilinniartitsisullu amerlanerpaat iPad-eqalernikuupput. Ullumikkut piareersarneqarput Qaanaami nunaqarfiinilu taavalu Upernaviup nunaqarfiini atuartut ilinniartitsisullu iPad-issaat. iPad periarfissiipput killeqanngiusattunik, taamaammallu atuartitsinermit periutsit nutarsarneqarlutik. Periutsit nutaat ilangivaat CLIO.DK atuartitsinermit sakkussanik periusissanillu tuniniaasooq digitaliusooq. Ullumikkut nunatsinniit ima atorneqartigaaq allaat immikkut kalaallit ilinniartitsisuinut qupperneqarlutik. Avannaata Kommuniani suli atulinnngilarput, taamaammatt qanoq periarfissaqarnerooq Ilinniarnermut Ingerlatsivimmiit CLIO.DK ataatsimeeqatigaarput akinillu neqeroorusiortillugit. CLIO.DK-mi atuisunnugussagutta CLIO-mi sulisunik siunnersorneqarneq ilitersorneqarnerlu killeqanngittoq ilanngullugu pissarsiarissuarput.

### *Iluarsiiinissamut siunnersuut – sammisamut tunngatillugu nalilersuineq*

Atuartsinerup pitsaassusaanik qaffassaaniarluta Ilinniarnermut Ingerlatsivimmi læringskonsulentimik atorfinitsivugut ukioq 2020. Atorfinittup suliassaraa iPad-imik atuneq pitsaasuumik ingerlanneqassasooq aamma ingerlaavartumik nalilersuineq siunnersortaaffigissallungu. Tulluarpoq læringskonsulenti CLIO.DK-mut attaveqaatinngornissaa, taamaalilluni suliassaq eqaannerussammat. Ukiamut atuarneq aallarteqqippat atulernissaanut aningaasat atorneqartussat kr. 217.000 missaaniissapput, atuartut 1.400-tut naatsorsorutsigit aamma ukiunut tallimanut atuinissatsinnut isumaqatigiissusiorsinnaagutta. Ukioq manna aningaasat atorneqarsinnaasut aaneqarsinnaapput nunaqarfiit atuarfiinut pisattanik nutarterinermit kontomiit. Ukiut tulluuttut aningaasanut missingersuusiornermi aaqqinneqartassallutik.

### *Ingerlariaqqinnissaq*

Avannaata Kommuniani ilinniartitsisut CLIO.DK-mik atuilissappata isumaqatigiissut Ilinniarnermut Ingerlatsivimmiit isumangissuarput, ilinniartitsisullu atuinissaat pitsaasooq anguniarlungu CLIO.DK qanimut suleqatigineqassalluni.

### Kingunerisinnaasat:

Avannaata Kommuniani ilinniartitsisut tamarmik atuartitsinerminnut sakkussaat pitsaasuumik illassapput, iPad-illu atorneqarnerat suli pitsaaningussalluni. Alimasissuumik atuartitsinissamut CLIO.DK aqqutissiuusserusuppoq misilittagaqaramik.

### Aningaasaqarnermi kingunerisinnaasat:

Ukioq manna aallartissagutta kr. 217.000 atorneqassapput, ukiunilu tulluuttuni ukiumut kr. 434.000 ukiumut akiliisassalluta minnerpaamik ukiut tallimat. Aningaasaliissutit akuerineqartut iluanni nikisiterinermit tunngaveqarpoq karsimullu sunniuteqassanani.

Inatsisitigut tunngavigisat allagaatillu toqqammavissiisut:

- Atuarfik pillugu Inatsisartut inatsisaat nr. 15, 3. december 2012-imeersoq

Suliamik isumaginnineq:

Inerisaanermut ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

Inerisaanermut Ataatsimiititaliap aaliangernera:

*Allattoqarfiup Inerisaanermut Ataatsimiititaliamut inassutigaa:  
Avannaata Kommuniani CLIO.DK-mi atuisunnngussasugut*

Aaliangerneq:  
Inassuteqaat akuerineqarpoq, Clio 1. august 2021 atuuttussanngorlungu.

Aningaasaqarnermut Ataatsimiititaliami aaliangerneq:

*Inerisaanermut Ataatsimiititaliap Aningaasaqarnermut Ataatsimiititaliamut inassutigaa:  
Inerisaanermut Ataatsimiititaliap aaliangernera ilalernerqassasoq*

Aaliangerneq  
Inassutigineqartoq akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliami aaliangerneq ilalernerqassasoq

Ilannngussat:

Bilag 006-01: Neqeroorut  
Bilag 006-02: Ilisarititsineq  
Bilag 006-03: Atuangaq Clio  
Bilag 006-04: Neqeroorut 1. august – 31. december 2021

**Aalajangiineq:**

<b>Sag nr.</b>	<b>Sammissaq</b>	<b>Bilag. nr.</b>	<b>007</b>
<b>KOM 21-034</b>	<b>Isumasioqatigiisitsinissamik pilersaarutit</b>	<b>Journal nr.</b>	

Uteqqiineq:

Inuussutissarsiornermut Ataatsimiititaliap susassaqrifiup iluani pikkorissarnissaq kommunimi sumiiffinni ataasiakkaani Namminersorlutik Oqartussat aningaasaliissutaat periarfissatut atorlungit ineriartortitsinissamut pikkorissaanissamik periarfissiivoq. Uani suliami kommunalbestyrelsip ataatsimiititaliat inassutaat ilalerniarnerlungu isummerfingissavaa.

Suliap saqqummiunnera:

Nunaqarfinnut isorliunerusunullu aningaasaliissutit atorlugit aallarnisaasunut pikkorissartitsinissamik ingerlatsivik pilersaaruteqarpoq. Aataatsimiititaliap pilersaarusiordermini Upernavik, Uummannaq aamma Ilulissat pikkorissaavigineqarnissaat akuersissutiginiuuua. Pikkorissartitsinissamik pilersaarutit ima inississorneqarput:

**Seminar 1**

September Upernavik  
Sammissaq: inkubations uge / weekend (JJ + Innovation GL)  
Sivissussusaa: 4 dage  
Aningaasartuutissat: 350.000

**Seminar 2**

September Ilulissat  
Sammissaq: inkubations uge / weekend (Innovation GL - ?)  
Sivissussusaa: Ulloq ataaseq affarlu  
Aningaasartuutissat: 80.000

**Seminar 3**

Oktober Uummannaq  
Iværksætter og Økonomistyring (Innovation GL)  
Sammissaq: inkubations uge / weekend (JJ + Innovation GL)  
Sivissussusaa: 2.5 dage  
Aningaasartuutissat: 350.000

**Seminar 4**

Oktober/November Ilulissat  
Sammissaq: Allaffisornermi pingaaruteqarluinnartut  
Sivissussusaa: Ullut sisamat  
Aningaasartuutissat: 270.000

Aningaasaqarnermi kingunerisinnaasat:

Avannaata Kommunianut aningaasatigut kingunissaqanngilaq, aningaasartuutaasussat bloktilskud aqqutigalugu utertinneqartussaammata.

Inatsisitigut tunngavigisat:

- Finansloven 2021



**Suliamik isumaginnineq:**

Inuussutissarsiornermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

**Inuussutissarsiornermut Ataatsimiititaliap aaliangernera:**

*Inuussutissarsiornermi ingerlatsiviup Inuussutissarsiornermut Ataatsimiititaliamut inassutingaa:  
Pilersaarutit tusaatissatut tiguneqassasut*

**Aaliangerneq:**

Tusaatissatut tiguneqarput.

Ataatsimiititaliaq isumasioqatigiisitsineq Upernavimmi ingerlanneqartussa qeqataaffigissallugu siunniuppa, tamatuttaaq Tamat Oqartussaaqataanerani Ineriartortitsinermullu ataatsimiititaliaq isumasioqatigiinnissanik ilisimatissuaa soqutiginnikkunik peqataasinnaammata.

**Aningaasaqarnermut Ataatsimiititaliami aaliangerneq:**

*Inuussutissarsiornermut Ataatsimiititaliap Aningaasaqarnermut Ataatsimiititaliamut inassutigaa:  
Inuussutissarsiornermut Ataatsimiititaliap aaliangernera ilalerneqassasoq*

**Aaliangerneq**

Inassutigineqartoq akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

**Ilangussat:**

Soqanngilaq.

**Aalajangiineq:**

--

Suliaq nr.	Qulequtaq	Ilanngussaq nr.	008
KOM 21-035	Aappilattumi eqqaavissuassamut nutaamut annertunerusumik aningaasaliissuteqarneq	Journal nr.	

### Uteqqiineq:

Kommunalbestyrelsip Aappilattumi eqqaavissuassamut nutaamut missingersuutini kr. 2.5 mio. nuunneqassasut aalajangersarsimavaa. Suliassaq suliniutaasimavoq malitsigisaanillu suliarinnittussarsiuunneqarluni, paasinarsivorlu suliap akia aningaasaliissutigineqartunit qaffasinnerussasoq. Suliap aallartinnissaa siunertaralungu aningaasanik aappaangu illikartitsisoqassasoq Teknikkimi Ataatsimiititaliap aaliangerpaa. Uani suliami kommunalbestyrelsip ataatsimiititaliat aaliangererat ilalerniarnerlungu oqallisingissavaa.

### Suliamik saqqummiussineq:

Avannaata Kommuniata siusinnerusukkat kommunalbestyrelsiata aalajangersimavaa, Aappilattumi eqqaavissuaq maanna mittarfiup eqqaanit nunaqarfimmi piffimmut allamut avannaatungaaniittumu nuunneqassasoq. Tamatumani nutaamik aqquserniorneq eqqaavissuassamullu nutaamut qaartiterineq pisariaqartinneqarput. Suliniummut 2021-mi missingersuutini kr. 2.5 mio. illuartinneqarsimapput, kisianni paasinarsisimavoq, eqqaavissuassamut nutaamut aqqusineq kr. 3.9 mio. siunnersuisut sulinerat ilanngullugu, akeqassasoq. Taassuma saniatigut eqqaavissuaqarfissap nutaap suliarinera qaavatigut kr. 4 mio. missaannik akeqassasoq naatsorsuutigineqarpoq. Aningaasat taakkua aningaasaliissutigineqartut sippoqqammagit, suliniullu ataatsimoortoq 2021-mi sanaartornermut missingersuutit qaangeqqammagit, ataatsimiisitaliaq kiisalu kommunalbestyrelsi naliliissapput, suliniut pilersaarutigineqartutut ingerlanneqassanersoq.

### *Aaqqiissutissatut siunnersuut – suliap nalilersornera*

Aappilattumi eqqaavissuassap nuunneranik suliniut eqqakkat tungaasigut unammilligassat nunaqarfimmi sivirusimasut iluarsiiiffiniarlugit aallarnerneqarsimavoq. Mittarfiup sanilerinerata ingerlaavartumik ajornartorsiuteqarnerata saniatigut, piffiup annikinnera illunullu qanittorujussuunerat aamma ajornartorsiutaapput. Eqqagassalerinermik nutaaliaasumik angusaqarniaraanni, piffik nutaaliaanerusunik atortulersuutilik pisariaqarpoq. Suliniutip naammassinissaa missingersuutaareersunit akisunerussaaq, kisianni suliniut 2021-mut sivitsorlugu aammalu immaqa 2022-mut, aningaasartuutit siammarterneqarsinnaapput, taamaasilluni ukioq manna ilassutitut aningaasaliissutissaq pisariaqassanani.

### *Ingerlaqqinnissaq*

Teknikkimi Ataatsimiititaliap immikkut aningaasaliisoqassasoq akuersissutingaa, inassuteqaat Aningaasaqarnermut Ataatsimiititaliamut Kommunalbestyrelsimullu ingerlaqqissaaq. Taakkunani akuersissuteqarnikkut suliniut 2021-mi missingersuutitut ilanngutissaaq, taamaasillunilu suliniut nangissaaq. Ilassutitut aningaasaliissut itigartinneqarpat, suliniut maanna innermisut tamakkiisutut naammassineqarsinnaangilaq.

### Kingunissai:

Akuersissuteqarnikkut Aappilattumi eqqagassalerineq malunnaatilimmik pitsanngoriassaaq. Suliassaqarfimmi maannakkut unammilligassat iluarsineqarsinnaassapput, nunaqarfillu eqqagassalerinermut nutaaliaanerusumut pitsaanerusumik piareersimalissaaq. Aningaasaliissutit nutaap itigartinneqartigut aqqiissutissanik nutaanik suli ilusilersorneqanngitsunik eqqarsartoqartariaqassaaq.

Aningaasaqarnikkut kingunissai:

Akuersissuteqarneq kommunip 2022-mi sanaartornermut missingersuutaanut kinguneqassaaq, aammalu immaqa 2023-mi, suliniut ukiunut missingersuusiortiusunut nangittussaammat. Suliniut naammassiniarlugu kr. 5.4 mio. aningaasaliissutigineqassasut naatsorsuutigineqarpoq.

Inatsisitigut tunngavissaq:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunalbestyrelsip ataatsimiinnera nr. 13, ulloq 17. november 2020

Suliamik suliarinninneq:

Teknikkimut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

Teknikkimut Ataatsimiititaliami aaliangerneq:

*Ingerlatsiviup ataatsimiititaliamut inassutigaa:  
Suliniutip 2022-mi nanginnissaa siunertamullu sanaartornermut missingersuutini illuartitsisoqassasooq  
ataatsimiititaliap akuersissutigaa  
Oqaluuserisassani immikkoortup Aningaasaqarnermut Ataatsimiititaliamut ingerlateqqinnissaa  
akuersissutigaa*

Aaliangerneq:  
Akuersissutigineqarpoq.

Aningaasaqarnermut Ataatsimiititaliami aaliangerneq:

*Teknikkimut Ataatsimiititaliap Aningaasaqarnermut Ataatsimiititaliamut inassutigaa:  
Teknikkimut Ataatsimiititaliap aaliangenera ilalernerqassasooq*

Aaliangerneq  
Allanneqarsimasooq kr. 2,5 mio.-t kukkusuupput naqqiutigineqarlutillu Teknikkimut pisortamit, kr. 2,0 mio.-  
niusut immikkoortinneqarsimasut, taamaattumillu tamakkiisumik kr. 5,9 mio.-t pisariaqartinneqassasut  
erseqqissaatigineqarluni, ukiunullu marlunnut siaartinneqarsinnaalluni.  
Inassutigineqartoq akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

**Ilangussat:**

Bilag 008-01: Aappilattumi eqqaaveqarfissap nutaap suliniutiginera

**Aalajangiineq:**

--

Suliaq.	Qulequtaq	Ilanngussaq nr.	009
KOM 21-036	Rådhusip piusup iluarsaannera aamma allineqarnera	Journal nr.	18.01.02

### Uteqqiineq:

Rådhusip nutaamik sanaap akia siusinnerusukkut politikikkut aalajangereerneqarsimasooq Avannaa Development A/S-ip taarsigassarsiniarsinnaanermut killigititaata iluaniikkunangilaq. Avannaa Development A/S-ip paarlattuani nalilerpaa, rådhusip piusup ilaneqarnera allanngortiternalu taarsigassarsiarineqarsinnaasutut periarfissat iluini pitsaasumik silatusaartumillu suliarineqarsinnaasooq, taamatullu suliaq siunertaqartumik ingerlanneqassasooq Teknikkimi Ataatsimiititaliamit inassutingeqarpoq. Suliami uani kommunalbestyrelsip ataatsimiititaliat aaliangernerat ilalerniarnerlungu isummerfingissavaa.

### Suliamik suliarinnineq:

Rådhusi atorfirmut atatillugu inssiartalik aamma qitiusumik pisiniarfeqarfik pillugit anguniagaangaluartut kr. 200-250 mio. missaannik akeqarpoq, tamatuma Avannaa Development A/S-imit taarsigassarsiniarnissamat ajornangitsut qummut qaangerpa. Taamaattumik rådhusi nutaaq atuuffippassualik aningaasatigut killigititaasut iluanni piviusunngortinneqarsinnaanngilaq. Nutaamik rådhusiliornissaq siusinnerusukkut politikikkut aalangiunneqarsimammat Teknikkimi Ataatsimiititaliap aalajangissavaa taarsiullugu rådhusip piusup allanngortiterlugulu allineqarnissaa kommunip pisariaqartitai kissaataalu aallaavigalugit.

### *Aaqqiissutissatut siunnersuut – suliamik naliliineq*

Rådhusimik pioreersumik allanngortiterineq alliliinerlu kr. 84.5 mio. missaanik piviusunngortinneqarsinnaasutut nalilerneqarpoq, tassunga ilanngullugu sulisunut inissianik pisariaqartitsineq ilanngullugu.

Inissianik E. Sivertsenip Aqq. 5-41-mi tamakkiisumik isaterineq atorfirmut atatillugu inissiat kr. 27-34 mio. missaannut piviusunngortinneqarsinnaasooq nalilerneqarpoq. Atorfimmut atatillugu inissiat illoqarfiup qeqqani najugaqarfisallugu nakerineqartumik inissinneqassapput ilutigitillugulu Ilulissani qitiusoqarfimmik pilersitsinissamat ilapittuutaassallutik.

Rådhusi sulisunut inissianik iluarsaassineq tamakkiisooq ilanngullugu rådhusimik allanngortiterineq alliliinerlu taamaasilluni kr. 112-119 mio. iluaniisooq, tamannalu Avannaa Development A/S-ip taarsigassarsiniarnissamat periarfissarititaata iluaniippoq, taamaattumik Avannaa Development A/S-ip nalilerpaa rådhusimik piusumik allanngortiterineq alliliinerlu nangittumik suliareqqikkaanni silutsaarnersasooq. E. Sivertsenip Aqq. 5-41 inissiat atorfirmut atatillugu inissiat tamakkiisumik iluarsaanneqarnerata nanginneqarneratigut, tassani tunngaviusut ilanngussani takuneqarsinnaapput.

Avannaata Kommuniata aningaasaqarnikkut tunngavii eqqarsaatigalugit tamanna aningaasaqarnikkut aaqqiissutaavoq nakernartoq. Taarsigassarsiatigut pisussaaffini naammassiniarlugit Avannaa Development A/S suliniutip qanoq akeqarnera tunngavigalugu kommunip ukiumut attartornerup qanoq annertutiginera aalajangersartariaqarpaa. Sanaartukkap akitsoriartornera ilutigalugu Avannaata Kommuniata ineqarnermut akiliutaa qaffakkiartussaaq tamannalu suliniutip qaavatigut aningaasartuutaanissaanik oqariartorpoq.

### *Ingerlaqqinnissaq*

Rådhusimik pioreersumik allanngortitsinerineq aamma alliliineq Teknikkimi Ataatsimiititaliap toqqarpagu, tassunga ilanngullugu inissiat E. Sivertsenip Aqq. 5-41-miittut sulisunut inissiat tamakkiisumik iluarsarneqarnerat suliareqqitassanngorlugu Aningaasaqarnermut Ataatsimiititaliamut ingerlateqqinneqassaaq.

Aningaasaqarnikkut kingunissai:

Isikkumisut siunnersuutigineqartumi rådhusip illutaa piosoq Avanna Development A/S-imut tunniunneqassaaq, tamatumani siunertarineqarluni ingerlatseqatigiiffiup rådhusissamik suliniuteqarnermut aningaasalersuinissamut qularnaveeqqutitut atornissa siunertaralugu.

Nutaamik rådhusip illutaliornerup sanaartorlugu aallarnisarneqarnissaanut kommunip sanaartornermut kontumut kr. 10.0 mio. missaat nammineerluni aningaasaliissutigissagai naatsorsorneqarsimavoq. Tamannali nutaamik rådhusip illutaliornermut iluseq toqqaraluaaraanniluunniit atuutissaaq. Rådhusimik piusumik ilasinerlut aamma annertusisinerlut atatillugu sanaartornermi aningaasartuutit taamaattoq nunaminertami imaqqangitsumik sanaartornermut nunagissaanermullu ataatsimut aningaasartuutit annikinnerujussuussapput taamaasillunilu piviusunngortinneqarsinnaanerulluni.

Inatsisitigut tunngavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik suliarinnineq:

Teknikkimut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

Teknikkimut Ataatsimiititaliami aaliangerneq:Ingerlatsiviup ataatsimiititaliamut inassutigaa:

*Teknikkimut aamma Aningaasaqarnermut Ataatsimiititaliap inassutigissagaat Avannaata Kommuniata suliniut rådhusimut tunngasoq rådhusimik pioreersumik iluarsaassinikkut ilasinikkullu ingerlanneqassasoq. Rådhusip illutaa piosoq tassunga atatillugu Avanna Development A/S-imut tunniunneqassasoq, taassuma rådhusimik suliniutip aningaasalersornissaanut atatillugu ingerlatseqatigiiffiup qaavatigut taarsigassarsiniarnissaa siunertaralugu*

*Teknikkimut aamma Aningaasaqarnermut Ataatsimiititaliap inassutigissagaat Avannaata Kommuniata rådhusimik suliniuteqarnermut atatillugu sulisunut inissiat 24-t E. Siversenip Aqq. 4-51-mi inissisimasut isaterneqarnissaat. Inissiat Naalackersuisunit Avannaata Kommunianut tunniunneqarnermi kingorna Avanna Development A/S-imut ingerlateqqinneqassasut, takuuk Kommunalbestyrelsimut ilisimatitsissut 4. december 2020-meersoq*

*Avannaata Kommuniata Avanna Development A/S kommuni sinnerlugu Naalackersuisunut qinnuteqaateqassasoq ingerlatseqatigiiffiup kommunillu akornanni rådhusimik iluarsaassineq ilasinerlu kiisalu sulisunut inissiat pillugit ukiuni arlalinni isumaqatigiissut tunngavigalugu*

Aaliangerneq:

Immikkoortoq akuerineqarpoq. Kissaatigineqarpoq suliffeqarfiup isaterneqarnerata pilerseqqinneqarneranullu aningaasartuutit missingersuusiani ataatsimoortuni ilanngunneqarnissaat. Maanna allaffissuup pioreersup iluarsaannissaani mianerineqassapput innarluutillit.

Illoqarfinni nunaqarfinnilu allani kommunep allaffissaa iluarsaannissaat unitsinneqassanngilaq nutaamik allaffissualiornissaaq pissutigalugu.

Aningaasaqarnermut Ataatsimiititaliami aaliangerneq:

*Teknikkimut Ataatsimiititaliap Aningaasaqarnermut Ataatsimiititaliamut inassutigaa:  
Teknikkimut Ataatsimiititaliap aaliangenera ilalerneqassasoq*

Aaliangerneq  
Inassutigineqartoq akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 009-01: Rådhusip piusup il.il. iluarsaanneqarnissaa, ilaneqarnissaa pillugit allakkiaq

**Aalajangiineq:**

--

<b>Suliaq nr.</b>	<b>Pineqartog</b>	<b>Ilanng. nr.</b>	<b>010</b>
<b>KOM 21-037</b>	<b>Ukioq 2020-mi ingerlatsinermut killiffiugallartoq</b>	<b>Journal nr.</b>	

Uteqqiineq:

Aningaasaqarnikkut ingerlatsinermi system-p eqqunneqarnerani naatsorsuutininik 2020-mut inaarinnissinnaaneq piffissaq eqqorlugu pisinnaangilaq. Killiffiugallartorli kommunalbestyrelsimut saqqummiunneqarpoq tusaatissatut tigusassanngorlugu.

Suliap saqqummiunnera:

Aningaasarnermut systemi nutaaq eqqunneqarnerani naatsorsuutit piffissaq eqqorlugu naammassineqarsinnaasimanngillat, nalinginnaasarporlu taamak annertutigisumik allannguinermi piffissaq iluarsartuussinermik atuutsitsilereernermi pisoqartartoq. Nunatsinni pisortaqaarfiiit anguniagaqarput assigiissumik suliaqartarnissamik, taamaattumik Avannaata Kommuniani aamma naatsorsuutitigit inaarutaasumik suliaqartarnermi kukkunersuisut suleqatigalugit ingerlanneqartalissaq, ukioq 2020-mullu inaarinninnissami septemberimi imaluunniit oktoberimi naammassineqarnissaat naatsorsuutaalluni. Namminersorlutik Oqartussani aamma ilisimaneqarpoq kommunini nutaamik eqqussinermi piffissaq atorneqaaqartartoq, Avannaata Kommunianilu kukkunersuisut isumaqatigereerneranni pisortaqaarfimmuut nalunaaruteqarpoq naatsorsuutit 2020-moortoq inaarneqarnissaat kinguaattuussasoq, ukioq mannalulooq naammassineqassat naatsorsuutigineqarluni.

Missingersuutit ukioq 2020-mut Kommunalbestyrelsimut akuerineqartut tunngavigalugit aningaasartuutit sanaartornermut missingersuutit ilanngullugit kr. 964,0 mio.-niupput, isertitassallu kr. 945,2 mio.-niullutik. Aningaasartuutit isertitanut sanilliullugit ingerlatsineq inerneqassasoq kr. 18,8 mio.-niniik taamatullu nikeraartaasut kr. 15,2 mio.-sut ilanngukkaanni amigaartooruteqarluni kr. 33,9.-niniik missingerlugu aaliangiunneqarpoq. Taamaasilluni ukioq 2020-p aallartinnerani aningaasaatit kr. 71,2 mio.-niniik appartussatut kr. 46,8 mio.-niniik ukioq 2020 naammassineqarnissaanut missingerneqarluni.

Naatsorsuutit killiffiugallagaat ukioq 2020-mut.

Ingerlatsineq	R2018	R2019	B2020	2020-mi killiffiugallartoq	Nikingassut	%-nngorlugu
Ingerlatsinikkut aningaasartuutit	770.066	798.258	848.164	863.429	15.265	101,8
Sanaartornikkut aningaasartuutit	81.638	100.587	115.858	117.561	1.703	101,5
Ingerlatsinikkut sanaartornikullu aningaasartuutit inernerigallagaat	851.704	898.845	964.022	980.990	16.968	101,7
Isertitat	-876.670	-912.250	-945.222	-961.100	-15.878	101,7
Nikeraataasut ilanngunnagit inernerugallartoq	-24.966	-13.405	18.800	19.890	.1.090	105,8
Nikeraataasut	-33.355	734	15.182	4.462		
Ukiup angusaagallartoq	-58.321	-12.671	33.982	24.352		
Ukiup aallartinnerani aningaasaatit	246	58.567	71.237	71.237		
<b>Ukiup naanerani aningaasaatit</b>	<b>58.567</b>	<b>71.237</b>	<b>37.255</b>	<b>46.885</b>		

Ukiup aallartinnerani karsi kr. 71,2 mio.-niupput, naanerani kr. 46,9 mio.-niullutik, taamaasilluni apparparput kr. 24,4 mio.-niniik.

Maannamuugallartoq ingerlatsinikkut missingersuutit malillugit sanaartornermut ingerlatsineq ilanngullugu atuvallaartoqarpoq, tassa katillugit kr. 16,9 mio.-niniik, pingaartumik Ilaqutareeqarnermut, Teknikkimut Ingerlatsivinni qaangiingaatsiarneq pivoq. Taamatullu Inuussutissarsiornermut Inerisaanerimullu ingerlatsivimmi atuinikiffiunngaatsiarluni. Nikeraataasut ilanngullugit kr. 24,4 mio.-niniik amigartooruteqarluni. Missingersuutiniik akuerineqartuni ingerlatsinermut maannamuugallartoq kr. 1,1 mio.-niniik qaangiilluni.



Akilerarutigut missingersuusiamiik annertunerusumik Avannaata Kommunia isertitaqarpoq. Inuttut akilerarutigut, suliffeqarfinnullu akilerarutigut taamatullu suliffeqarfiit iluanaarutaata akilerarutaat (udbytteskat) uani pineqarput, katillugit kr. 15,9 mio.-nik annerulluni.

Ukiup 2020-p aallartinnerani aningaasaatit kr. 71,2 mio.-miipput ukiullu naanerani kr. 46,9 mio.-niullutik, tassa kr. 24,4 mio.-nirik appariaateqarlutik.

Komunimut akiitsorineqartut maannamuugallartoq ukiup naanerani kr. 126,7 mio.-niullutik. Naatsorsuutini inaarinninnermi qulakkiikkamik saqqummiunneqassapput nalikilliliinerit akiliisitsiniartarfik peqatigalugu inaaneqariarpata.

Nuna tamakkerlugu akiliisitsiniartarnermut nalilersuineq ingerlanneqarpoq, kommuunilu aamma pingaartumik systemi nutaaq eqquteqarnerata kingorna iliuusissamik pilersaaruteqarluni.

#### Aningaasaqarnermi kingunerisinnaasat:

Aningaasaqarnikkut killiffik eqqarsaatigalugu aammalu akisussaaffiit kommunip tamakkiisumik tigusassai eqqarsaatigalugit aningaasaqarneq ilungersunartumut inissisimavoq, taamaatumik maannangaaq siunissamut aamma isigisumik aningaasaqarnikkut nukittorsaanissaq pisariaqarpoq, tassami isertitassat qaffakkiartoraluartut aningaasartuutit qaffakkiartornerat isertitaniik qaffasinneruvoq nikingatsitsinermillu pilersitsilluni (ubalance). Appaagumullu maannangaaq iliuuseqartoqanngippat suli ilungersunarnerusumut inississinnaalluni.

Innuttaasunik sullissinermik eqquinngitsumik ingerlatsiviit ataatsimiititaliamut sipaarutaasinnaasunik siunnersuuteqartariaqarput, aningaasaqarneq isumannaatsumut inisseqqinnissaa anguniarlugu.

#### Inatsisitingut sinaakkutatingullu toqqammaviit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

#### Suliamik isumaginninneq:

Aningaasaqarnermut Ataatsimiititaliaq  
Kommunalbestyrelse

#### Aningaasaqarnermut Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutigaa,  
Aningaasaqarnermut killiffiungallartoq qulaani saqqummiunneqartoq tusaatissatut ataatsimiititaliap  
tingussangaa  
Ataatsimiititaliat piumaffigineqassasut augustimilu isumasioqatigiinnissamut pingaarnersiuinissamik  
siunnersuuteqartoqassasq*

Aaliangerneq  
Inassutigineqartoq akuerineqarpoq.

#### Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliami aaliangerneq ilalerneqassasq

**Ilanngussat:**

Bilag 010-01: Balance  
Bilag 010-02: Kukkunersiuisut paaseqatingalungit allaqatingiinneq

**Aalajangiineq:**

<b>Sul nr.</b>	<b>Sammissaq</b>	<b>Ilanng nr.</b>	<b>011</b>
<b>KOM 21-038</b>	<b>Avannaa Development, Inissianik tunniussineq</b>	<b>Journal nr.</b>	

Uteqqiineq:

Kommunip inissiaatai Avannaa Developmentimut nuunneqarnerat ataatsimiinnerit siuliani aaliangerneqarpoq, suliaq ingerlaqqippoq inissianillu nuussinerit ingerlanneqarnerat nangeqqilluni. Uani kommunalbestyrelsip ataani taakkartorneqartut inissiat nuunneqarnissaat siunnersuut isummerfingissavaa.

Suliap saqqummiunneqarnera:

Avannaa Development A/S-ip 1. marts 2021 aallarnerfigalugu Ilulissani kommunip inissiatattartotakkat tiguva, immikkoortortaqarfik 12-325 aamma 12-3429. Illut pigisat INI A/S-mit ingerlanneqarnerat ingerlaannassaaq.

Ilulissani immikkoortortaqarfiit ataatsimoortinneqarput tamatumunngalu atatillugu INIA/S-mit erseqqissaatigineqarpoq nunaqarfinni inissianut immikkoortortaqarfik annikisoq sanngiitsorlu siornngatigut immikkoortortaqarfik 12-342-miissimasut qimanneqarmata.

INI A/S-mit siunnersuutigineqarpoq:

- Avannaata Kommunia inissiat taakku siunissami nammineq ingerlatissagai imaluunniit
- Inissiat taakku Avannaata Kommuniata Avannaa Development A/S-mut tunniutissagai

Avannaa Development A/S-ip ilisimatitsissutigaa sulefeqarfip inissiat taakku aningaasartuutitanngitsumik tigusinnaallugit.

Aningaasartuutitaqanngitsumik tunniussinermi nalunaarusiornermut tunngavilersorneqarsimasumut BDO naatsorsuuseerivik ikiutissaaq.

Aningaasatigut kingunissaritinneqartut:

Naqitsinermit aningaasartuutissat iperarneqarneri

Inatsisitigut sinaakutissatigullu tunngavissat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Sulassap suliarineqarnera:

Aningaasaqarnermut Ataatsimiititaliaq  
Kommunalbestyrelse

Aningaasaqarnermut Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutigaa:*

*Septemberimi 2021 aallarnerfingalungu inissiat Avannaata Kommuniata Avannaa Development A/S-mut tunniutissagai*

*August 2021 Avannaata Kommuniata naqitsinermit akitsuutit (stempelafgift) amerlaqataanik Avannaa Development A/S-mut nuussissasoq*

Aaliangerneq  
Inassutigineqartoq akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

**Ilangussat:**

Bilag 011-01: Illuutit allattorsimaffiat

**Aalajangiineq:**

<b>Suliaq nr.</b>	<b>Pineqartog</b>	<b>Ilanng. nr.</b>	<b>012</b>
<b>KOM 21-039</b>	<b>Najukkani ataatsimiititaliat pilersinneqarnissaat</b>	<b>Journal nr.</b>	<b>01.02.07</b>

Uteqqiineq:

Kommunalbestyrelse kommuunerisami illoqarfinnut tamanut najukkani ataatsimiititaliamik pilersitsissasoq inatsisitigut aaliangersagaavoq. Tamanna tunngavigalugu Avannaata kommuniani illoqarfinni tamani najukkani ataatsimiititaliamik pilersitsisoqarnissaanut allattoqarfik inassuteqaammik saqqummiussivoq. Suliami uani kommunalbestyrelsi ilisimatinnearpoq lokaludvalgim qaqungu pilersinneqassanersut.

Suliap saqqummiunnera:

Kommunalbestyrelsim kommuunerisami illoqarfinnut tamanut najukkani ataatsimiititaliamik pilersitsissusaataaannara kommunit aqunneqarnerat pillugu Inatsisartut inatsisaanni aaliangersagaavoq. Avannaata Kommuniani Kommunalbestyrelsim Aqutsinermut Ileqqoreqqusamini, Tamat Oqartussaaqataanerannut Nunqarfinnullu Ineriartortitsinermut Ataatsimiititaliaq, najukkamut tunngasut aamma pissutsit pillugit Aningaasaqarnermut Ataatsimiititaliamut inassuteqartassasoq aaliangersarpaa. Kommunalbestyrelse najukkani ataatsimiititaliamut qinersinissaq pillugu maleruaqassiussasoq, aamma kikkut qanorlu amerlatigisunik qinigassanngortitsinnaanersut aaliangissangaa, inatsimmi siuliani taaneqartumi aaliangersarneqarpoq. Kommunalbestyrelsim qinigaaffimmi 2017-2021 atuuttup kommunimi illoqarfinni Ilulissani, Ummannami, Upernavimmi Qaanaamilu najukkani ataatsimiititaliamik tallimanik ilaasortalinnik pilersitaqarpoq. Ilaasortat illoqarfinni pineqartuni innuttaasunit qinikkanik sisamanik aammalu kommunalbestyrelsimut ilaasortamik kommunalbestyrelsimut toqqakkamik ilaasortaqarput. Najukkani ataatsimiititaliamut qinersititsinerit illoqarfinni siuliani taaneqartuni innuttaasunik ataatsimiisitsinnikkut ingerlanneqartarsimapput.

*Iluarsiiinissamut siunnersuut – sammisanut tunngatillugu nalilersuineq*

Illoqarfinni Ilulissani, Ummannami, Upernavimmi Qaanaamilu innuttaasunik ataatsimiisitsinnikkut najukkani ataatsimiititaliamut ilaasortassanik sisamanik innuttaasut qinersitinnegassasut allottoqarfimmiit siunnersuutigineqarpoq.

Illoqarfiit pineqartut ilaanni inuuttaasunik ataatsimisitsinnikkut najukkani ataatsimiititaliamik pilersitsiniarneq iluatsissanngippat, illoqarfimmi pineqartumi peqatigiiffiit soqutigisaqatigiiffiillu najukkani ataatsimiititaliamut ilaasortaattassaminnik toqqaaqqullugit qinnuvialugit saaffigineqarnissaat taarsiullugu allattoqarfimmiit siunnersuutigineqarpoq.

*Ingerlariaqinnissaq*

Najukkani ataatsimiititaliamut ilaasortanik qinersititsinissamut siunnersuut taamatut isikkoqarluni akuerineqassappat, illoqarfinni inuuttaasunik qinersitsitinerit qaammatip augustip naannerani septemperi qiteqquppallaartinnangu illoqarfinni ataasiakkaani innuttaasunik sullissivinni pisortaattat suleqatigalugit pissappat.

Qulequtaq Tamat Oqartussaaqataanerannut Nunaqarfinnullu Ineriartortitsinermut Ataatsimiititaliamut oqaluuserisassanngorlungu ataatsimiinnermi tullermi qaqinneqassooq.

Aningaasaqarnermi kingunerisinnaasat:

Najukkani ataatsimiititaliat aningaasalersorneqarnerat aammalu ilaasortat kommunalbestyrelsimut ilaasortaannigsut akissarsiassaat ukiumut missingersuusiorfiusumut 2021-imut ilaatinneqareermata, kommuunip aningaasaqarneranut siunnersuut kinguneqartussaanngilaq.

Inatsisitingut sinaakkutatingullu toqqammaviit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq  
Kommunalbestyrelse

Aningaasaqarnermut Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutigaa:  
Ilisimatitsissut tusaatissatut tinguneqassasoq*

Aaliangerneq  
Inassutigineqartoq akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilannussat:

Soqanngilaq.

**Aalajangiineq:**

--

Ataatsimiinneq naavoq nal.:

**Atsiorfissaq:**

Aqqalu Clasen Jerimiassen (A) \_\_\_\_\_

Knud Kleemann (A) \_\_\_\_\_

Minik Høegh-Dam (AT) \_\_\_\_\_

Palle Jerimiassen (AT) \_\_\_\_\_

Lena Ravn Davidsen (D) \_\_\_\_\_

Bendt B. Kristiansen (IA) \_\_\_\_\_

Jens Ole Nathanielsen (IA) \_\_\_\_\_

Niels Davidsen (IA) \_\_\_\_\_

Anthon Frederiksen (N) \_\_\_\_\_

Jens Napâtok' (N) \_\_\_\_\_

Ane Qujaukitsoq (S) \_\_\_\_\_

Elisabeth Nielsen (S) \_\_\_\_\_

Jens Kristian Therkelsen (S) \_\_\_\_\_

Jakob Petersen (S) \_\_\_\_\_

Jørgen Kruse (S) \_\_\_\_\_

Magrethe Christensen (S) \_\_\_\_\_

Sakio Fleischer (S) \_\_\_\_\_